

**O'ZBEKISTON RESPUBLIKASI OLIY TA'LIM, FAN VA
INNOVATSIYALAR VAZIRLIGI**

**AJINIYOZ NOMIDAGI NUKUS DAVLAT PEDAGOGIKA
INSTITUTI**



«TASDIQLAYMAN»

Ajiniyoz nomidagi NDPI

rektori

B.P.Otemuratov

2023- yil


**KASBIY (IJODIY) IMTIHONLAR DASTURI VA BAHOLASH
MEZONI (Kunduzgi va sirtqi bo'lim uchun)**


**TASVIRIY SAN'AT (rangtasvir) va CHIZMACHILIK
fanlari**

**60111200 - «Tasviriy san'at va muhandislik grafikasi» bakalavriat ta'lim
yo'nalishi uchun**

NUKUS - 2023

Dastur Ajiniyoz nomidagi Nukus davlat pedagogika instituti o'quv-uslubiy Kengashida ko'rib chiqilgan va ma'qullangan. 2023- yil 03 - 07 kungi 8-sonli majlis bayoni.

Tuzuvchilar: NDPI "Tasviriy san'at va muhandislik grafikasi" kafedrasini mudiri, San'atshunoslik fanlari bo'yicha falsafa doktori (PhD) G.Mambetkadirov 

NDPI "Tasviriy san'at va muhandislik grafikasi" kafedrasini dotsenti B.Esboganova 

Taqrizchilar: QDU "Arxitektura" kafedrasini dotsenti X.Alyaminov

"Tasviriy san'at va muhandislik grafikasi" kafedrasini assistent o'qituvchisi S.Amaniyazov

I. Kirish

O‘zbekiston Respublikasi Prezidentining “Respublika oliy ta’lim muassasalari bakalavriatiga kirish test sinovlarini o‘tkazish tartibini takomillashtirish to‘g‘risida”gi 2017-yil 16-noyabrdagi PQ-3389-son qarori va Vazirlar Mahkamasining 2018-yil 3-apreldagi “Oliy ta’lim muassasalariga o‘qishga qabul qilish tartibini yanada takomillashtirish to‘g‘risida”gi 261-son qaroriga muvofiq ushbu dastur ishlab chiqilgan.

“60111200-Tasviriy san’at va muhandislik grafikasi” bakalavriat ta’lim yo‘nalishi bo‘yicha kasbiy (ijodiy) imtihon dasturi kasb-hunar maktablari hamda umumiy o‘rta ta’lim maktablaridagi tasviriy san’at va chizmachilik fanlari dasturi asosida tuzilgan bo‘lib, abituriyentlarning amaliy ko‘nikma va malakalarini aniqlash uchun mo‘ljallangan. 60111200-“Tasviriy san’at va muhandislik grafikasi” bakalavriat ta’lim yo‘nalishiga hujjat topshirgan abituriyentlar kasbiy (ijodiy) imtihonda tasviriy san’at va muhandislik grafikasining asosi bo‘lgan **rangtasvir va chizmachilik** fanlaridan amaliy ish bajarib, o‘zlarining bilimlarini namoyon etadilar. Bajariladigan amaliy ishlar tasdiqlangan mezon asosida baholanadi.

II. Fanning maqsadi va vazifalari

60111200-Tasviriy san’at va muhandislik grafikasi bakalavriat ta’lim yo‘nalishi bo‘yicha o‘qituvchilar tayyorlash bo‘yicha kasbiy (ijodiy) imtihonlar abituriyentlarning tasviriy san’at va chizmachilik sohasida nazariy bilimlarini amaliyotda qo‘llay olishi bo‘yicha amaliy ko‘nikma va malakalarini aniqlash maqsadida o‘tkaziladi.

Abituriyentlar ixtisoslikning quyidagi asosiy fanlaridan amaliy-ijodiy, grafik ishlar bajaradilar:

1. **Tasviriy san’at (rangtasvir)**. Natyurmort qo‘yilmasidagi buyimlarning o‘zaro nisbati, havo perspektivasi va rang qonuniyatlari, kompozitsiya tuzilishi, yorug‘-soya tushunchalari negizida uy-ro‘zg‘or buyumlari, meva va sabzavotlar gipsli geometrik jism, sidirg‘a va mato fonida o‘ziga qarab qog‘oz formatida natyurmort tasvirini akvarel boyog‘idan foydalanib amaliy ish bajarish malakalarini aniqlashdir.

2. **Chizmachilik**. Tarkibida tutashma elementlari mavjud bo‘lgan detal chizmasini chizish, buyimning berilgan ikki proeksiyasiga asosan yetishmovchi proeksiyasini topish, kerakli qirqimlari bilan aksonometriyasini qog‘oz formatida qalamda amaliy bajarish malakalarini aniqlashdir.

III. Abituriyent bilimiga qo‘yiladigan talablar

1. Abituriyentdan rangtasvir fanidan natyurmortni qog‘ozga to‘g‘ri joylashtirishi, ufq chizig‘ini to‘g‘ri topishi, predmetlarning hajmi, o‘zaro nisbatini to‘g‘ri topish, perspektiva qonuniga rioya qilishi, soya-yorug‘, refleksni to‘g‘ri topishi, akvarel boyog‘i

texnikasidan to'g'ri foydalanishi, naturadagi buyum hajmlarini to'g'ri aks ettirishi, buyimlardagi soya va yorug'larni to'g'ri aniqlashi, buyimlarning fakturasini (gips, sopol, metall, mato va hokazolar) topishi qo'yilgan vazifa to'liq bajarishi talab etiladi.

2. Abituriyentdan chizmachilik fanidan tutashma markazini, tutashma nuqtalarini to'g'ri topishi, tutashmani sillik ravon tutashtirishi, berilgan ikki proyeksiyani to'g'ri ko'chirishi, masshtabni to'g'ri tanlashi, yetishmovchi proyeksiyani to'g'ri topishi, qirqimlarni to'g'ri bajarishi, aksonometrik proeksiyani qirqimlari bilan to'g'ri bajara olishi, chizmalarda chiziq turlariga, o'lchamlar qo'yishda qoidaga rioya qilishi, chizmalarni qog'ozga to'g'ri joylashtira bilishi va ishni sifatli bajarishi talab etiladi.

Abituriyent jadval bo'yicha belgilangan kunda har bir fanga 3 astronomik soat (180 daqiqa) vaqt davomida grafik ish bajaradi. Tasviriy san'at (rangtasvir) hamda chizmachilik fanlari bo'yicha bajariladigan ish qog'ozining o'lchami A3 formatda bo'ladi.

Bu ishlarni baholash quyidagi tartibda amalga oshiriladi: Tasviriy san'at (rangtasvir) fanidan bajarilgan ishga 10 ta savol, chizmachilikdan 13 ta savol qo'yiladi va bu savollarga sinov o'tkazuvchi komissiya a'zolari bajarilgan ishning hajmi va sifatiga qarab ball qo'yadilar. Har bir fan bo'yicha ballar qaydnomaga yoziladi va umumlashtiriladi.

Mazkur yo'nalishda kasbiy (ijodiy) imtihonlar uchun qo'yiladigan maksimal ball - 156 ni tashkil etadi,

Tasviriy san'at (rangtasvir) - 78,0 ball

Rangtasvir

№	Savollar mazmuni	To'liq javob uchun ball
1	Natyurmort qog'ozga to'g'ri joylashtirilgan	0-7 gacha
2	Ufq chizig'i to'g'ri topilgan	0-7 gacha
3	Predmetlarning hajmi, o'zaro nisbati to'g'ri topilgan	0-8 gacha
4	Havo perspektiva qonuniga rioya kilingan	0-8 gacha
5	Soya, yorug', refleks to'g'ri topilgan	0-8 gacha
6	Akvarel bo'yog'i texnikasidan to'g'ri foydalangan	0-8 gacha
7	Naturadagi buyim hajmlari to'g'ri aks ettirilgan	0-8 gacha
8	Buyumlardagi soya va yorug'lar to'g'ri aniqlangan	0-8 gacha
9	Buyumlarning fakturasi (gips, sopol, metall, mato, va hokazolar) topilgan.	0-8 gacha
10	Qo'yilgan vazifa to'liq bajarilgan.	0-8 gacha

Rangtasvir bo'yicha abituriyentlarning to'plashi mumkin bo'lgan maksimal ballarning umumiy miqdori - **78 ball**

Chizmachilik - 78,0 ball

Chizmachilik

№	Savollar mazmuni	To'liq javob uchun ball
1	Tutashma markazi to'g'ri topilgan	0-6 gacha
2	Tutashma nuqtalari to'g'ri topilgan	0-6 gacha
3	Tutashma sillik ravon tutashtirilgan	0-6 gacha
4	Tutashma bajarishda geometrik yasashlarning to'g'ri tatbiq qilinganligi va u chizmada saqlanganligi	0-6 gacha
5	Berilgan ikki proyeksiya to'g'ri ko'chirilgan, masshtab to'g'ri tanlangan	0-6 gacha
6	Yetishmovchi proeksiya to'g'ri topilgan	0-6 gacha
7	Qirqimlar to'g'ri bajarilgan	0-6 gacha
8	Aksonometrik proeksiya to'g'ri boshlangan	0-6 gacha
9	Aksonometrik proeksiya tugallangan	0-6 gacha
10	Aksonometriyada qirqim to'g'ri bajarilgan	0-6 gacha
11	Chizmada chiziq turlariga rioya qilingan	0-6 gacha
12	O'lcham qo'yish qoidalariga rioya qilingan	0-6 gacha
13	Chizmalar chizma qog'oziga to'g'ri joylashtirilgan va sifatli bajarilgan	0-6 gacha

Chizmachilik bo'yicha abituriyentlarning to'plashi mumkin bo'lgan maksimal ball - **78,0 ball**

V. Kasbiy (ijodiy) imtihonlarni o'tkazish tartibi

60111200-Tasviriy san'at va muhandislik grafikasi bakalavriat ta'lim yo'nalishiga hujjat topshirgan abituriyent jadval asosida belgilangan kunda, har bir fandan 3 astronomik soat vaqt davomida chizmachilik fanidan grafik ish hamda rangtasvir fanidan natyurmort qo'yilmasini bajaradilar. Qabul komissiyasi tomonidan shakllantirilgan guruhlar 20-30 nafar abituriyentlardan iborat bo'lib, kasbiy (ijodiy) imtihon guruhlar bo'yicha o'tkaziladi. Kasbiy (ijodiy) imtihon rangtasvir fanidan molbert va planshetlar bilan jihozlangan xonalarda hamda chizmachilik fanidan stol-stul bilan jihozlangan xonalarda o'tkaziladi.

Tasviriy san'at (rangtasvir). Tasviriy san'at nazariyasi asosida natyurmortning o'zaro nisbati, havo perspektivasi qonuniyatlari, kompozitsiya tuzilishi, yorug' va soya tushunchalari negizida gipsli geometrik jism, uy-ro'zg'or buyumlari, meva va sabzavotlar rangli mato fonida o'ziga qarab tasviri rangda bajariladi.

Chizmachilik. Chizmachilik fanidagi vazifalar O'zDStga rioya qilgan holda bajariladi. Tarkibida tutashma elementlari mavjud bo'lgan detal chizmasini chizish, buyumning berilgan ikki proyeksiyasiga asosan yetishmovchi proyeksiyasini topish, kerakli qirqimlari bilan aksometriyasini qog'oz formatida qalamda amaliy bajarish

malakalarini aniqlashdir.

Bajarilgan ishlarni baholash quyidagi tartibda amalga oshiriladi: **rangtasvir** fani bo'yicha ish to'liq va to'g'ri bajarilgan bo'lsa, baholash mezoniga mos ravishda 0 (pol) balldan, 7 (8) ballgacha, **chizmachilik** fanidan ish to'liq va to'g'ri bajarilgan bo'lsa, baholash mezoniga mos ravishda 0 (nol) balldan 6 (olti) ballgacha belgilanadi.

Fan bo'yicha sinov o'tkazuvchi komissiya a'zolaridan tashkil etadi va ular shu ta'lim yo'nalishiga kadrlar tayyorlovchi kafedralar professor-o'qituvchilari tarkibidan jalb etiladi.

VI. Apellyatsiya tartibi

Abituriyentlar tomonidan kasbiy (ijodiy) imtihon natijalari bo'yicha oliy ta'lim muassasi qabul komissiyasining apellyatsiyalar bilan ishlash hay'atiga natijalar e'lon qilingandan kundan boshlab 24 soat davomida murojaat qilishlari mumkin.

Murojaat mazmunida faqat o'zining ballari haqida bo'lsa qabul qilinadi, lekin boshqa abituriyentlar haqida yozilgan shikoyat arizalari qabul qilinmaydi.